

2-§. Indekslar va ularning tadbiqlar

Boshlang'ich ildizlarning asosiy xossalari sonlar nazariyasiga logarifm tushunchasiga o'xshash yangi tushuncha, indekslar tushunchasini kiritish imkoniyatini beradi. Faraz etaylik g soni p tub moduli bo'yicha boshlag'ich ildiz bo'lsin. U holda

$$g^0, g^1, g^2, \dots, g^{p-1} \quad (1)$$

sonlari p moduli bo'yicha chegirmalarning to'la sistemasini tashkil etadi. Agar a , $(a, p) = 1$ bo'lsa, u $\text{mod } p$ bo'yicha (1) sistemadagi birorta $g^{\gamma_1}, 0 \leq \gamma_1 \leq p-1$ son bilan taqqoslanuvchi bo'lishi kerak, ya'ni

$$a \equiv g^{\gamma_1} \pmod{p}, \quad 0 \leq \gamma_1 \leq p-1 \quad (2)$$

Agar $(a, p) = 1$ bo'lsa,

$$a \equiv g^{\gamma} \pmod{p}, \quad \gamma \geq 0 \quad (3)$$

(3) shartni qanoatlantiruvchi γ soniga a sonining p moduli bo'yicha g asosga ko'ra indeksi deyiladi va $\text{ind}_g a$ ko'rinishda yoziladi. Demak, (3) dan

$$a \equiv g^{\text{ind } a} \pmod{p}. \quad (4)$$

Ta'rifdan a bilan $\text{mod } p$ bo'yicha taqqoslanuvchi barcha sonlar (4) da birta indeksga ega:

$$0, 1, 2, \dots, p-2 \quad (5)$$

Umuman har bir a soni (5) sistemada bitta indeksga ega. Lekin bir asosdan ikkinchi asosga o'tilsa, indekslar umuman aytganda o'zgaradi. Ikkinchi tomondan esa berilgan g asosga ko'ra a soni cheksiz ko'p indekslar γ ga ega. (1) va (2) dan bular manfiy bo'lmagan butun sonlar bo'lib,

$g^{\gamma} \equiv g^{\gamma_1} \pmod{p}$ shartni qanoatlantirishi kerak. Bu yerda g soni p modul bo'yicha boshlang'ich ildiz bo'lganligi sababli, u $p-1$ ko'rsatkichga tegishli. U holda ko'rsatkichga qarashli sonlarning xossalari asosan yuqoridagi taqqoslama o'rinli bo'lishi uchun $\gamma \equiv \gamma_1 \pmod{p-1}$ bo'lishi kerak. Demak, r moduli bo'yicha p bilan o'zaro tub har bir chegirmalar sinfiga $p-1$ bo'yicha chegirmalarning biror sinfidagi manfiy bo'lmagan chegirmalardan iborat indekslar to'plami mos keladi va aksincha: $\text{ind } a = \text{ind } b \pmod{p-1}$ $\Leftrightarrow a \equiv b \pmod{p}$ bo'lsa (4) ga asosan

$$\gamma \equiv \text{ind } a \pmod{p-1} \quad (5)$$

Shuningdek indekslar quyidagi xossalarga ega:

1) ko'paytma $a \cdot b \cdot \dots \cdot l$ ning indeksi $p-1$ moduli bo'yicha shu sonlar indeksleri yig'indisi bilan taqqoslanuvchidir, ya'ni

$$\text{ind}(a \cdot b \cdot \dots \cdot l) \equiv \text{ind } a + \text{ind } b + \dots + \text{ind } l \pmod{p-1}. \quad (6)$$

2) $\text{ind } a^n \equiv n \text{ind } a \pmod{p-1}$.

Shuningdek $\text{ind } 1 \equiv 0 \pmod{p-1}$, $\text{ind } g \equiv 1 \pmod{p-1}$.

Indekslar jadvali. Indekslar jadvalini tuzish p tub modul bo'yicha berilgan songa ko'ra uning indeksi va aksincha, berilgan indeksga ko'ra shu sonni topish imkoniyatini beradi. Bunda asos sifatida p modul bo'yicha boshlang'ich ildizlardan birortasi olinadi. Umuman indekslar jadvalini tub bo'lmagan boshlang'ich ildizlar mavjud bo'lgan m modul bo'yicha tuzish ham mumkin.

Indekslarning taqqoslamalarni yechishga tadbiqlari.

a) Ikki hadli taqqoslamalarni yechish. Ikki hadli bir noma'lumli tenglamaning umumiy ko'rinishi

$$ax^n \equiv b \pmod{m} \quad (7)$$

Ma'lumki, murakkab m modul bo'yicha taqqoslamani tub modul bo'yicha taqqoslamani yechishga keltirish mumkin. Shuning uchun ham $m = p$ bo'lgan holni

$$ax^n \equiv b \pmod{p}, \quad p \nmid a \quad (8)$$

qaraymiz. $p > 2$ deb olamiz. $p = 2$ bo'lsa, 0 va 1 chegirmalarni sinab ko'rish yo'li bilan yechish mumkin. (8) dan $inda + nindx \equiv indb \pmod{p-1}$ yoki bundan

$$nindx = indb - inda \pmod{p-1}. \quad (9)$$

Demak, 1) $(n, p-1) = 1$ bo'lsa, u holda (9) va demak (8) ham yagona yechimga ega;

2) $(n, p-1) = d > 1$ bo'lib, $d \nmid ind b - inda$ bo'lsa, (9) va demak (8) ham d ta yechimga ega;

3) $(n, p-1) = d > 1$ bo'lib, $d \mid ind b - inda$ bo'lsa, (9) va demak (8) ham yechimga ega emas.

$$b). \quad x^n \equiv a \pmod{p} \quad (10)$$

taqqoslamani yechimga ega bo'lish sharti. Bu taqqoslamani indekslasak,

$$n \operatorname{ind} x \equiv \operatorname{ind} a \pmod{p-1}. \quad (11)$$

Bu yerda $(n, p-1) = d$ bo'lsa, (11) ning yechimga ega bo'lishi uchun

$$\operatorname{ind} a \equiv 0 \pmod{d} \quad (12)$$

shartning bajarilishi zarur va yetarlidir. (12) shartni p va d ga bog'liq holda ifodalaymiz.

(12) ning ikkala tomonini va modulini $\frac{p-1}{d}$ ga ko'paytiramiz, u holda

$$\frac{p-1}{d} \operatorname{ind} a \equiv 0 \pmod{p-1} \text{ yoki } \operatorname{ind} a \frac{p-1}{d} \equiv 0 \pmod{p-1}. \quad \text{Bundan esa}$$

$$a^{\frac{p-1}{d}} \equiv 1 \pmod{p} \quad (13)$$

Shunday qilib (10) ning yechimga ega bo'lishi uchun (13) shartning bajarilishi zarur va yetarlidir.

b) *Ko'rsatkichli taqqoslamalarni yechish.*

$$a^x \equiv b \pmod{p}. \quad (14)$$

(14) dan $x \text{ind } a \equiv \text{ind } b \pmod{p-1}$. Bu taqqoslamani esa osongina yechish mumkin.

321. Indekslar jadvalini tuzing: 1). 2 asosga ko'ra 29 moduli bo'yicha; 2). 5 asosga ko'ra 23 moduli bo'yicha.

322. 11 moduli bo'yicha indekslar jadvalini tuzing.

323. Quyidagi taqqoslamalardan δ ko'rsatkichni aniqlang:

- 1) $5^\delta \equiv 1 \pmod{7}$; 2) $5^\delta \equiv 1 \pmod{11}$; 3) $8^\delta \equiv 1 \pmod{13}$;
4) $12^\delta \equiv 1 \pmod{17}$; 5) $24^\delta \equiv 1 \pmod{31}$; 6) $10^\delta \equiv 1 \pmod{13}$;
7) $27^\delta \equiv 1 \pmod{17}$; 8) $18^\delta \equiv 1 \pmod{11}$; 9) $23^\delta \equiv 1 \pmod{41}$.

324. Indeksflashdan foydalanib p tub moduli bo'yicha 2 dan $p-1$ gacha bo'lgan sonlar tegishli bo'lgan ko'rsatkichlarni toping:

- 1) $p = 5$; 2) $p = 7$; 3) $p = 11$.

325. Indeksflashdan foydalanib, quyidagi sonlarning 59 moduli bo'yicha boshlang'ich ildiz bo'lish bo'lmasligini aniqlang:

- 1) 2; 2) 3; 3) 6; 4) 8; 5) 12; 6) 13; 7) 14; 8) 19.

326. Quyidagi modullar bo'yicha boyicha barcha boshlang'ich ildizlarni toping:

- 1) $p = 17$; 2) $p = 19$; 3) $p = 23$.

327. Birinchi darajali taqqoslamalarni indekslardan foydalanib yeching:

- 1) $7x \equiv 23 \pmod{17}$; 2) $39x \equiv 84 \pmod{97}$;
3) $125x \equiv 7 \pmod{79}$; 4) $37x \equiv 25 \pmod{89}$;
5) $4x \equiv 13 \pmod{37}$; 6) $37x \equiv 5 \pmod{221}$;
7) $47x \equiv 13 \pmod{667}$; 8) $228x \equiv 317 \pmod{1517}$.

328. Ko'rsatkichli taqqoslamalarni indekslardan foydalanib, yeching:

- 1) $2^x \equiv 7 \pmod{67}$; 2) $13^x \equiv 12 \pmod{47}$;
3) $16^x \equiv 11 \pmod{53}$; 4) $52^x \equiv 38 \pmod{61}$;
5) $12^x \equiv 17 \pmod{31}$; 6) $20^x \equiv 21 \pmod{41}$.

329. Ikki hadli taqqoslamalarni indekslardan foydalanib yeching:

- 1) $37x^{15} \equiv 62 \pmod{73}$; 2) $5x^4 \equiv 3 \pmod{11}$;
3) $2x^8 \equiv 5 \pmod{13}$; 4) $2x^3 \equiv 17 \pmod{41}$;
5) $27x^5 \equiv 25 \pmod{31}$; 6) $11x^3 \equiv 6 \pmod{79}$;
7) $23x^3 \equiv 15 \pmod{73}$; 8) $8x^{26} \equiv 37 \pmod{41}$;
9) $37x^8 \equiv 59 \pmod{61}$; 10) $18x^8 \equiv 6 \pmod{13}$.

330. Ikki hadli taqqoslamalarni indekslardan foydalanib yeching:

- 1) $x^{12} \equiv 37 \pmod{41}$; 2) $x^{55} \equiv 17 \pmod{97}$;
3) $x^{35} \equiv 17 \pmod{67}$; 4) $x^{30} \equiv 46 \pmod{73}$;
5) $x^8 \equiv 23 \pmod{41}$; 6) $x^5 \equiv 74 \pmod{71}$;
7) $x^{27} \equiv 39 \pmod{43}$; 8) $x^8 \equiv 29 \pmod{13}$;
9) $x^2 \equiv 59 \pmod{67}$; 10) $x^2 \equiv 59 \pmod{83}$;

$$11) x^2 \equiv 32(mod 43); \quad 12) x^2 \equiv -17(mod 53);$$

$$13) x^2 \equiv -28(mod 67); \quad 14) x^2 \equiv 56(mod 41).$$

331. Eyler kriteriyasi va indekslardan foydalanib quyidagi sonlar 15, 16, 17, 18, 19, 20 dan qaysilari berilgan modul bo'yicha kvadratik chegirma bo'lishini aniqlang: 1) 23 moduli bo'yicha; 2) 29 moduli bo'yicha; 3) 41 moduli bo'yicha; 4) 73 moduli bo'yicha; 5) 97 moduli bo'yicha.

332. Berilgan modul bo'yicha indekslarning bir sistemasidan ikkinchi bir sistemasiga o'tish formulasini keltirib chiqaring.

333. a ning qanday butun qiymatlarida quyidagi munosabatlar o'rinli:

$$1) 3a^2 - 5 : 7; \quad 2) 7a^2 + 13 : 23; \quad 3) 13a^2 - 11 : 29.$$